



**ARMENIAN A1 – STANDARD LEVEL – PAPER 1**  
**ARMÉNIEN A1 – NIVEAU MOYEN – ÉPREUVE 1**  
**ARMENIO A1 – NIVEL MEDIO – PRUEBA 1**

Thursday 17 May 2001 (afternoon)

Jeudi 17 mai 2001 (après-midi)

Jueves 17 de mayo de 2001 (tarde)

1 hour 30 minutes / 1 heure 30 minutes / 1 hora 30 minutos

---

**INSTRUCTIONS TO CANDIDATES**

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

**INSTRUCTIONS DESTINÉES AUX CANDIDATS**

- Ne pas ouvrir cette épreuve avant d'y être autorisé.
- Rédiger un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

Գրեք մի մեկնաբանություն հետևյալ հատվածներից մեկի մասին:

1. a)

Թե ինչո՞ւ եմ գրում, ինքս էլ չգիտեմ:

Թերևս, որովհետև բառերն ինձ համար նույնն են, ինչ արյան կաթիլները՝ կյանքի համար: Թերևս, որովհետև շարունակ զգում եմ մահկանացությունս:

5 Ու թերևս, որովհետև արվեստը արտացոլումն է կյանքի և հաճախ ավելի պարտադիր քան կյանքը:

10 Բայց հիմնականում ոչ թե անմահությունն է, այլ մահը պարտության մատնելու մշտնջենական տենդը, որը պատճառն է ստեղծագործության: Ո՛չ թե հարատևումը, այլ վաղանցիկության կապույտ լարը, որից հնչում է ժամանակավորի երգը: Այդ երգը արձագանգում է սրտերում, երբ բանաստեղծը համարձակորեն անցողականի բիբերին է նայում: Այդ դեպքում, նրա խոսքը լինում է հատու, հարազատ ու խիզախ:

Արվեստի միջոցով մոտենում ենք մեզ, մարդկայնանում, ուստի և մերձենում աստվածության:

Սակայն կարևորը խո՛սքն է:

15 Խոսքը, որ քանդակվում է ժայռերից, հոգիների ընդերքից, փորձառության գետերից, ցա՛վով ու երկունքով, խի՛նդո՛վ ու խենթությամբ, և՛ կշիռով ու տրամաբանությամբ ու նաև արյան երգով, սուրբի մրմունջով ու մսի կանչով:

ԾՉգրիտ խոսքը: Մերկ ու անամոթ ճշմարտությունը:

Անկեղծ ու ճշմարիտ խոսքը:

20 Առանց խոսքի չկա ազատություն: Չկա ներքին ազատություն: Չկա անհատական ու հավաքական ազատություն: Իսկ մե՞նք: Մեր գրականությունը ի սիյուոս աշխարհի, տակավին դեգերում է ինքնակերտ ու պարտադրված պայմանականությունների մթագնած արահետներում: Հաճախ ավանդականը շփոթում ենք բարոյագիտության հետ, երբ բարոյագիտության համար ունենք դպրոց ու եկեղեցի...:

Երբ անազատ է խոսքը, անազա՛տ է գրականությունը:

25 Անազատ եմ ես:

Երբ աշխարհի որևէ անկյունում ճնշվում է մեկ հոգու խոսքը, ճնշվում է նաև ի՛մ խոսքը: Որովհետև մարդկության ընտանիքի մեկ անդամի կաշկանդումը, կաշկանդումն է համայն մարդկության:

Իմ բողոքը այդ պայմանականությունների դեմ է:

30 Ո՞ր է արդի մարդը մեր գրականության մեջ:

Կյանքը նույնը չէ ինչ էր երեկ: Անհատական ու հավաքական տագնապներից է անցնում մարդկությունը: Ընկերային հեղաշրջումների հետ զուգընթաց տակնովրա են լինում դարավոր հասկացողություններն ու երբեմնի կոռ նկատված ավանդությունները: Մարդը կանգնել է ճարտարարվեստի դիմաց և ջանում է մի կերպ պահպանել իր անհատականությունը: Տագնապահար է մարդը:

Փորձե՛լ ենք արտացոլել ներկայ մարդու ներաշխարհը...:

Կա երեկվա և այսօրվա էջը, որ պիտի գրվի:

Ինձ մտահոգում է վաղվա էջը, որը սպիտակ ծուլությամբ հորանջում է:

40 Վաղվա էջը գրելու համար ինձ անհրաժեշտ են մանկան աչքեր, արկածախնդրի ոտքեր, բանաստեղծի սիրտ և իմաստունի միտք:

Այս բոլորը ես որտեղի՞ց գտնեմ...

Հակոբ Կարապետյան, *Ազատ Խոսքի Մասին* (գրական ակնարկ) (1977)

- Հեղինակն ինչպե՞ս է դիտում հայ գրականությունը ընդհանրապես գրականության ծրի մեջ:

- Ինչպե՞ս եք վերաբերվում խոսքի ազատությանը տրված գրողի արժևորմանը:

- Ինչպե՞ս կնկարագրեք գրողի ակնկալությունը գալիքի գրականությունից:

- Ինչպիսի՞ մեթոդ է օգտագործում գրողը, որպեսզի տպավորի և համոզի ընթերցողին:

1. b)

Աղոթք Նոր Տարվա  
(Հատված)

Տո՛ւր ինձի, Տե՛ր, ուրախությունն անանձնական.  
ծաղիկներու պես զայն ժողվեմ ճամփուս վրան՝  
նայվածքներուն մեջ ամենուն և ամեն օր:

5 Տո՛ւր ինձի, Տե՛ր, ուրախությունն անանձնական.  
զանգակներո՛ւ պես զայն կախեմ ամեն դրան՝  
ու զերթ նարտոս ամեն դրան զայն պսակեմ:

Տո՛ւր ինձի, Տե՛ր, ուրախությունն անանձնական.  
ճրագներու պես զայն բոցեմ բազմաստեղնյան՝  
խավարին մեջ ամեն երդ ու խրճիթներու:

10 Տո՛ւր ինձի, Տե՛ր, ուրախությունն անանձնական.  
ու չըլլա, որ ուրիշներու կոծն ու կական  
խեղդել ուզեմ ջրվեժին մեջ դափիս ձայնին:

15 Տո՛ւր ինձի, Տե՛ր, ուրախությունն անանձնական.  
զայն ջուրերուն վրան ձգեմ իբրև ուռկան.  
զայն իբր արոր ակոսներո՛ւն ձգեմ վրան:

Տո՛ւր ինձի, Տե՛ր, ուրախությունն անանձնական.  
զայն իբր անձրև ցողեմ ամեն դաշտի վրան,  
զայն իբր արև բաշխեմ ամեն հորիզոնի:

20 Տո՛ւր ինձի, Տե՛ր, ուրախությունն անանձնական՝  
ժողվել՝ հոգվույն մեջ ծերերուն, կույսին, մանկան,  
պարզ մարդերուն՝ գեղջուկներուն ու բանվորին:

Տո՛ւր ինձի, Տե՛ր, ուրախությունն անանձնական՝  
ժողվել՝ հոգվույն մեջ ամենո՛ւն, համայնական  
հոգվույն ամեն մասնիկներուն մեջ՝ ամեն ժամ:

25 Ծամփաներե՛ն, ու զետերե՛ն, ու դաշտերե՛ն,  
անտառներե՛ն, ու լեռներե՛ն, ու ձորերե՛ն,  
տանիքներե՛ն, ու տուներե՛ն, ու դուռներե՛ն՝

Տո՛ւր ինձի, Տե՛ր, ուրախությունն անանձնական:

Միսաք Մեծարենց, Մարգարիտներ Հայ Գրականության (1974)

- Ի՞նչ է հուշում քերթվածի խորագիրը:
- Ի՞նչն է այս պոեմը դարձնում երաժշտական:
- Պոեմի կառուցվածքն ինչպե՞ս է բանաստեղծին օգնում հասնել իր նպատակին:
- Բանաստեղծն ինչպե՞ս է արտահայտում իր այլասիրությունը և հաշտեցնում մասնավորը ընդհանրականի հետ: